

**KERATAN AKHBAR-AKHBAR TEMPATAN
TARIKH: 14 SEPTEMBER 2015 (ISNIN)**

Bil	Tajuk	Akhbar
1.	18 kawasan 'beracun'	Harian Metro
2.	18 kawasan catat IPU tidak sihat	KOSMO
3.	Pokok Mutan	Utusan Malaysia
4.	Baka baharu berkualiti	Utusan Malaysia
5.	Tunggu kelapa mutan?	Utusan Malaysia
6.	Pengarang fiksyen sains perlu imaginasi tinggi	Berita Harian
7.	Jabatan Meteorologi sedia lakukan pembenihan awan	Utusan Malaysia
8.	Pembenihan awan jika IPU lepassi tahap bahaya	Utusan Malaysia
9.	Haze too strong for rain in Penang	The Sun
10.	Klang Valley hardest hit	The Star
11.	Cloud-seeding on the cards	The Sun
12.	Cloud seeding in Johor soon	New Straits Times
13.	Clearer skies ahead, say authorities	Malay Mail
14.	Hackers always try to be a step ahead, banks warned	The Star
15.	Fraud, intrusions, harassments top cyber incidents	The Star

18 kawasan 'beracun'

Oleh Fairul Asmaini Mohd Pilus
 asmaini@hmetro.com.my
 Kuala Lumpur

■ Catat IPU melebihi 100

Indeks Pencemaran Udara (IPU) di Melaka, Negeri Sembilan dan beberapa lokasi di Lembah Klang, sepanjang hari semalam terus mencatat peningkatan berbanding kelmarin. Menurut laman web Jabatan Alam Sekitar, bacaan sehingga jam 5 petang semalam merekodkan 18 kawasan seluruh negara masih kekal pada tahap tidak sihat

dengan IPU melebihi 100. Menteri Sains Teknologi dan Inovasi, Datuk Madius Tangau berkata, operasi itu akan hanya dilaksanakan jika bacaan IPU berada pada tahap tidak sihat, iaitu melebihi 100 untuk tempoh 72 jam secara berterusan dan keadaan atmosfera serta awan yang sesuai.

FAKTA
 Malaysia dijangka alami cuaca kering sehingga hujung bulan ini

Kata beliau, berdasarkan perkembangan terkini, keadaan cuaca berjerebu dijangka berterusan disebabkan tiupan angin Barat Daya yang membawa asap dari kawasan yang mengalami kebakaran di Sumatera dan Kalimantan di Indonesia.

“Peningkatan bilangan titik panas di Sumatera dan Kalimantan dan keadaan cuaca yang kering pada tempoh beberapa hari lepas mengakibatkan berlakunya keadaan jerebu yang teruk di Sarawak dan beberapa negeri di Semenanjung. “Malaysia dijangka mengalami cuaca kering, Monsoon Barat Daya hingga hujung bulan ini,” katanya.

LOKASI BACAAN IPU TIDAK SIHAT

Bukit Rambai.....	169	Putrajaya.....	156
Bandaraya Melaka.....	166	Batu Muda.....	131
Banting.....	168	Cheras.....	129
Nilai.....	161	Muar.....	147
Port Dickson.....	160	Pasir Gudang.....	106
Pelabuhan Klang.....	155		

0-50	51-100	101-200	201-300	>301
BAIK	SEDERHANA	TIDAK SIHAT	SANGAT TIDAK SIHAT	BAHAYA

LOKASI BACAAN IPU SEDERHANA

Kawasan lain di Kedah, Perak, Pulau Pinang, Pahang, Terengganu, Kelantan, Sabah dan kebanyakan lokasi di Sarawak mengekalkan bacaan IPU sederhana

PEMBENIHAN AWAN

Jabatan Meteorologi Malaysia (MetMalaysia) dengan kerjasama Tentera Udara Diraja Malaysia (TUDM) bersiap sedia untuk melaksanakan operasi pembenihan awan susulan keadaan berjerebu melanda beberapa kawasan di negara ini.



KERATAN AKHBAR
KOSMO (NEGARA): MUKA SURAT 8
TARIKH : 14 SEPTEMBER 2015 (ISNIN)



IPU 148
11 pagi

PEMANDANGAN Masjid Jamek 2 Sultan Ismail, Tanjung Agas, Muar semalam kabur akibat jerebu.



IPU 120
10 pagi

KEADAAN jerebu yang semakin teruk tidak menghalang pasukan lomba perahu Jabatan Tanah dan Ukur Negeri Sarawak menjalani latihan di Sungai Sarawak, Kuching semalam.



IPU 166
1 petang

SEORANG pelancong dari China yang berkunjung ke Menara Taming Sari meninjau pemandangan sekitar bandar raya Melaka yang diselubungi jerebu semalam.

Kerajaan sedia laksanakan operasi pembenihan awan jika keadaan jerebu berterusan

18 kawasan catat IPU tidak sihat

KUALA LUMPUR - Keadaan berjerebu yang melanda negara semakin membimbangkan apabila Indeks Pencemaran Udara (IPU) menunjukkan bacaan tidak sihat di 18 lokasi semalam.

Menurut portal Jabatan Alam Sekitar, setakat pukul 5 petang, Bukit Rambai di Melaka masih mencatat bacaan IPU tertinggi iaitu 171, diikuti Bandar Raya Melaka (166), Banting (166), Nilai (160) dan Putrajaya (155).

Kawasan lain yang mencatat IPU tidak sihat ialah

Seremban (154), Pelabuhan Klang (153), Shah Alam (151), Petaling Jaya (156), Muar (148), Batu Muda (132), Samarahan (126) dan Kuching (120).



Sementara itu, Larkin Lama dan Sarikei adalah antara kawasan mencatat bacaan IPU sederhana, masing-masing pada 97 dan 99.

Kawasan lain yang mencatat bacaan sederhana termasuk Sibul (91), Universiti Sains Malaysia, Pulau Pinang (85), Kampung Air Putih, Taiping (87), Kota Tinggi (83), Bintulu (91) dan Seberang Jaya 2,

IPU 154
12 tengah hari



JARAK pemandangan yang terjejas teruk di bandar Seremban akibat jerebu dengan bacaan IPU 154 iaitu paras tidak sihat semalam.

Perai (81).

Sementara itu, Jabatan Meteorologi Malaysia dengan kerjasama Tentera Udara Diraja Malaysia telah bersiap sedia untuk

melaksanakan operasi pembenihan awan berikutan keadaan berjerebu yang semakin buruk melanda beberapa kawasan di negara ini.

Menteri Sains Teknologi dan Inovasi, Datuk Madius Tangau (**gambar kecil**) berkata, operasi itu akan dilaksanakan jika bacaan IPU berada pada tahap tidak sihat untuk tempoh 72 jam secara berterusan dan keadaan atmosfera serta awan sesuai.

"Berdasarkan perkembangan terkini, keadaan cuaca berjerebu dijangka berterusan disebabkan tiupan angin Barat Daya yang membawa asap dari kawasan yang mengalami kebakaran di Sumatera dan Kalimantan di Indonesia," katanya dalam satu kenyataan di sini semalam.

Katanya, berdasarkan cerapan satelit pada Jumaat lalu menunjukkan

terdapat 304 titik panas dikesan di Sumatera, 25 titik panas di Kalimantan manakala satu titik panas di Semenanjung Malaysia.

"Peningkatan bilangan titik panas di Sumatera serta Kalimantan dan keadaan cuaca yang agak kering dalam tempoh beberapa hari lepas telah mengakibatkan keadaan jerebu yang agak teruk di Sarawak dan beberapa negeri di Semenanjung," katanya.

Beliau berkata, Malaysia dijangka mengalami cuaca kering Monsun Barat Daya hingga hujung bulan ini.

Orang ramai boleh merujuk portal <http://apims.doc.gov.my> untuk mengetahui bacaan IPU semasa.

